

Тярәнә ургъциг геедрлт угагъар, түргәр хурадж авхмн

Сул джилмүдин эргид советск олт-амтн КПСС-н Централын Комитетин болн Советск правительствин гардврт селәнә эдл-аху өбдүллгъар агъуик кәдлмш кев. Селәнә эдл-ахун халхд куцагдсн төрмүд заагт эмнг болн эмнгшрсн газр хагълдж эдллгън нег онц орм эзджәнә.

Селәнә эдл-ахун өдгә цагин олт-зүсн техникәр агсгдсн социалистическ селәнә эдл-ахун күч-кәлсчнр кесг миллион эмнг болн эмнгшрсн газр хагълсна ашд, 1956 джилд давсн цагин эргид урднъ авгдад уга ургъц ургъадж авад, орн-нутгин буудән кәрнъ холван ик дүлв.

Мана тангъчин колхозникүд болн колхозничнр, МТС-н болн совхозмүдин кәдлмшчнр селәнә эдл-ахун специалистнр, цуг механизатормүдта хамдан хаврин тарәнә зурагъан цагтнъ, агротехническ сән чинртәгъар куцагд, ик ургъц ургъалгъна улинъ белдихлә.

Удл уга тангъчин колхозин болн совхозин теегәр тарә хадж, хурадж авлгъна кәдлмш эклхмн. Тәрдж ургъасн тарәгъан нег чигн буудән геелт угагъар хурадж авлгън—райодин партийн болн советск организацсин, колхозмүдин, МТС-н болн совхозмүдин гардачнрин, тангъчин цуг партийн организацсин эрки чинртә төр болджана. Эдл-ахун талдан кәдлмшәс, тарә хурадж авлгъна кәдлмш эврә онц йилгъвртәгъинъ медх кергтә. Эн онц йилгъврнъ—тәрдж ургъасн тарәгъан цагтнъ, хадх кемәснъ давулл уга, хадж, хурадж авлгън болдг. Тәрәг хадх болзгаснъ давулхла, буудән геелт эрк биш гардмн.

Болв ним эрки чинртә кәдлмшт—ургъасн ургъц хурадж авлгънд кергтә тоот белдвр ода бийнъ куцагдсн кегдәд уга.

Тангъчар комбайнс ясдж белдлгън июнин 12-т 78 процент куцагдсн бәәнә. Приютненск МТС ясгдх 11 комбайнас 4-хн комбайн ясдж, белддж. Яшалтинск района Сладковск МТС ясдж белдх зөвтә 26 комбайнас 13 комбайн белддж.

Западн района Западн МТС болн Яшалтинск района Солонск МТС хойр му биш белдвр тетгсн бәәнә.

Эн хойр МТС-р комбайнд кәдлхәх комбайнермүд, штурвальнс хәләгддж батлгддж, тарәнә газрар комбайнс йовдх хадлгъна маршрут зургддж. „Сарпа“, Троицкий болн 4-ч номертә совхозмүд ургъасн тарәнә ургъцан хурадж авлгънд кергтә белдврән бас төгсгсн бәәнә.

Яшалтинск, Западн болн Сарпинск райодин колхозмүдин, совхозмүдин МТС-н гардачнр, эднә эдл-ахус болгъна эклцин партийн организац нег үлү—даалгъврта болджана. Тер

юнъгад гихлә, тангъчин тарә тәргдсн газрин агъу нургълдж эн райодст тусва. Колхоз болн совхоз болгънд, МТС болгънд—тарәнә ургъц хурадж авлгъна белдврик даки нег сәәнәр киндж-шуудж хәләлгън—райодин партийн болн советск органсин эрки нег төрнъ болх зөвтә.

Одана авн тарәнә захинъ хадж, комбайн ордж хадх участкс белдх кергтә. Энуна төлә эврән йовдг комбайнс олзлдж эдлх кергтә.

Ставропольск край, тарәг куца болхинъ куләл уга, болс-болсарн ховадж хуралгъна ик дамшлтәнъ онд медгдг биший. Эн элвг дамшлт олзлдж, тарәгъан болс-болсарн ховадж хурадж авлгъ өргәр делгруллгън бол нег берк чинртә төр болдг. Нег чигн буудә эс геехәр седхлә, ховадж хуралгъ өргнәр бүрдәхмн.

Мана тангъчин бәәдл сөбгъин кәдлмш нег онц чинртә болхмн. Тегәд ургъц хурадж авлгънд сөбгъин серүн, сән цаг олзлхин эркд комбайнсин агрегатсар электрическ герл орулх кергтә.

Комбайнсин тасрхан уга кәдлмш тетгхин төлә буудә зөбх автомашинд, цар болн мбрн кәлгн белдгдх зөвтә. Буудә асхк токин тускар сандж, терүг цаг давулл уга цеврддж ургъсн өвсинъ шулдж авч, ус асхад, катокарилүрдәд, белдх кергтә.

Тәрәнә ургъц хурадж авлгъан дахулдж солонин хурадж авхар бас седх кергтә. Солом ковнъгарн үлдәхлә, хөбннъ газр хагълх цагт зовлнъ үзүлдг биший. Дакад солонтин-малин хотин кәрнъгд сән немр болхмн.

Тәрдж ургъасн ургъцан цагтнъ, геелт угагъар өбдән чинртәгъар, үзмджтә, кевәр хурадж авх цуг эв-аргъ манд бәәнә. Эн джилин ургъц хурадж авлгънд гусеничн 60 трактор, 138 комбайнс, тер тоод—С-08 марка өргнәр хадг 60 комбайнс ирджәнә. Иним элвг агъу күчтә машинд кәлгддж эдлдж чадх, техническ медрлтә, кәдлмшин сән дамшлтә, дадмг комбайнермүд, штурвальнс, механизатормүд манд бәәнә.

Алдр Октябрин 40-ч өбн уктджах социалистическ дөрлдәг улм чангъгадж делгруллгън, колхозникүд заагт, совхозин болн МТС-н кәдлмшчнр заагт, цуг механизатормүд заагт тодрха партийн-политическ кәдлмш бурладж, эдник ургъц хуралгънд агсггън—эклцин партийн организац болгъна эрки чинртә төр болджана. Тәрдж ургъасн ургъцан хурадж авлгънд цуг күчн-чидлән, эв-аргъан, сән онъган тәвдж, тарә хуралгъна кәдлмшән бурдәнъгъу кевәр, үзмджтә сәәнәр кедж орн-нутгтан буудә икәр өгхмн!